

Q
12630

16
22.
Auspiciis SS. Triados,
DISPUTATIO PHYSICA,

De
MIXTIONE;

Quam,

Consensente Amplissimâ Facultate Philosophicâ
in Regiâ Academiâ GUSTAVIANâ, qua Dor-
patis est ad Embeccam,

Sub Præsidio

Clarissimi & Excellentissimi Viri

DN. M. JOHANNIS ERICI STREGNENSIS,
Astronom. & Physic. Professoris Ordinarij,
Præceptoris, Fautoris ac Promotoris sui debitâ
observantiâ colendi;

Liberalis exercitij gratia,

Publicè ventilandam & discutiendam proponit,

PETRUS PETRI BYRINGIUS,
Sudermannius.

In Auditorio Magno ad diem
horis ante meridianas.

Dorpati Livonorum

Imprimebat JOHANNES VOGELIUS, Academiæ Typogr,
Anno M DC XLVI.

Utmönstrad
Dupl. frän

Disputatio Phylsica
De
MIXTIONE.

Thesis I.

Nrerum Physicarum cognitu
difficiliorum; tamen jucundarum & utili-
um; varietate, Mixtio, non postremum
sibi vendicat locum.

II.

Difficultatem quidem ob diversas & contrarias Præ-
stantissimorum Philosophorum de ea sententias & opini-
ones fatemur; Nihilominus tamen Mens nostra, in
Mixtione Physicâ seu naturali, Miscibilia propter mutu-
am arctissimamq; Unionem, & intimam transmeatio-
nem, ita alterari, ut ex mutuâ actione & reactione, amica
introducatur temperies, & nova exindè species naturalis
constituatur, dum contemplatur; jucunditatem & utili-
tatem maximam percipit.

III.

Talem verò Mixtionem & dari, & esse possibilem, ex-
tra controversiam præsupponimus. Nam videmus dari
corpora Mixta: ergò etiam dabitur Mixtio: dicere namq;
dari Mixtum absq; Mixtione, est sibi contradicere. Vi-
demus quoq; & experientiâ compertum habemus, ex pu-
tri materiâ, varia oriri animalcula, quod sieri non potest
sine mixtionis interventu,

A 2

IV.

TARTU ÜLIKODU
RAAMATUKOGU

3876126x

IV.

Nobis itaq; cum animus sit paucis de eâdem agere;
Dirige discursum nostrum Trinuna Potestas,
Ut labor in laudes, definat hicce tuas.

V.

Naturam Mixtionis compendiosè nobis explicat, Vociis Usus, Definitio, & Divisio.

VI.

Ne itaq; ambiguitate vocis decepti, in errorum Labyrinthos incidamus, Usum Vocabuli Mixtionis per significata cognoscimus. Mixtio autem est duplex: *Alia, late & Impropiè dicta, quæ etiam artificialis dicitur: Alia, Propria & Naturalis.*

VII.

Priori modo sumptum vocabulum Mixtionis, denotat quamlibet rerum commixtionem, sine alteratione & Metamorphosi totius substantiæ, omniumq; accidentium; sitq; vel 1. *Appositione*, quando res diversæ in unum coacervantur cumulum, ut singulæ quoad essentiam integræ maneant: talis unio est in acervo hordei, tritici, avenæ; estq; potissimum inter res siccas; & in hac mixtione plane nulla sit alteratio. 2. Fit *Confusione*, cum distincta corpora ita confunduntur, ut facile separari nequeant; novam tamen naturalem speciem non producunt; & sit inter res liquidas, ut quando vinum cum aqua commiscetur, &c.

VIII.

Naturalis autem & propria Mixtio sit, quando res ita commiscentur, ut ex illis exsurget tertium, quod sit diversum, & specie distinctum ab illis, è quibus est commixtum; & hoc in sensu jam accipitur Mixtio.

IX.

IX.

Mixtio est miscibilium alteratorum Unio. Arist. l. de ort. & inter. c. 10. i. 90.

X.

Sicuti omnis Definitio, ita & hæc suo constabit Generis, & propriæ Differentiæ.

XI.

Generis loco hic ponitur Unio: cum extra controversiam positum sit, quod ea, quæ misceri debent, uniantur, si modò realis aliquà mixtio fiat. Deinde etiam certum est, quod omnis mixtio sit unio; sed non contrà, omnis unio est mixtio.

XII.

Advertendum verò hic est, quod per illam Unionem non intelligamus tantum Elementorum nudam ad se invicem congregationem, sed etiam unitorum, per mutuam actionem & reactionem, exactissimam alterationem, ut tertium quoddam ex illis generari possit.

XIII.

Est igitur hæc unio Miscibilium nil aliud, quam conglutinatio quædam, & reductio, sive concordia rerum mixtarum, quæ miscilia illa in unam transmigrant naturam, unumq; fiunt specie.

XIV.

Ex reliquis verbis in definitione positis, haud obscure ipsa differentia colligitur. Ubi primò occurrit vox Miscibilium, hoc est, corporum eorum simplicium, quæ elementa vocantur, & Mixtionis materia sunt constituta.

XV.

Natura enim duo officia concessit Elementis. Pris, ut sint partes integrantes hujus Mundi, & ejus machinam unâ compleant cum cælo; & hoc officium obeunt secundum

16

cum se tota per qualitates motrices, nempe per gravitatem & levitatem, quas natura Elementis dedit ad absolvendam & complendam totius Universi perfectionem; ac hoc etiam modo de Elementis agit Arist. l. de calo.

XVI.

Posterioris Elementorum Munus est, ut sint principia & causæ transmutationum physicarum, & imprimis ut sint causæ Mixtionis, & materia Mixtorum corporum: Quo officio non funguntur secundum se tota, sed secundum partes; atq; hoc modo de iis tractat Arist. l. de gen. & corrupe. Priorem modum considerandi vocant absolutum, Posteriorum verò respectivum: Et Posteriori hoc modo Elementa hic considerantur.

XVII.

Ultimò tandem in definitione occurrit vocabulum Alterorum, hoc est, neq; permanentium in Integrâ suâ naturâ, neq; planè etiam corruptorum; sed alterationem quandam & mutationem perpetrorum. Vult namq; Arist. vocabulo illo docere, illa quæ miscentur, in Mixto non interire, sed manere; quod ipsum Commissionis nomen etiam denotat; nam si commiscerentur, non planè corrumpuntur.

XIX.

Ut autem aliqua talis propriè dicta Mixtio fiat, quinq; subsequentia requisita, ut maximè necessaria, notarunt Physici.

XIX.

I. Elementorum erit in unum concursus. Nec enim singi potest Mixtio sine miscibiliū corporum contactu; at tangere sese non possunt Elementa, nisi sint simul, & in unum quasi locum confluant. II. Erit Alteratio, quæ sit cum reactione: non enim sufficit Elementa tantum simul esse;

esse; sed oportet ut in in se mutuò agant: Si enim Elementa maneant in suis actibus singulis integra, quomodo fiet mixtio? III. Erit Diminutio, id est, Elementorum in minutis partes divisio. Sic enim alterum potest alterum permeare, & facili negotio cum eo uniri atq; commisceri. IV. Erit certa proportio & quantitas eorum, quæ inter se miscentur: si enim multa cum paucis, & magna cum parvis conjugantur, Mixtionem non efficient; quoniam id quod superat alterum, illud in suam naturam converter, vel interimet. V. Requiritur ut miscibilia aliquando sint à se invicem separabilia; cum omne ex partibus propriè dictis compositum, sit in easdem resolubile: Unde Elementa definiuntur; Quod sint Corpora simplicia, homogenea, ex quibus res omnes concreta, b. l. Corpora mixta, primum componuntur, & in qua ultimò resolvuntur; ipsa verò in nulla se priora, Arist. l. 3. de cal. c. 3. text. 31.

XX.

Ex iis quæ hactenus dicta sunt, facile intelligimus, Elementa Mixtioni materiam præbere: ut autem definitio & natura Mixtionis clarior & manifestior reddatur, placet arduam illam, & valdè intricatam questionem, & iam veteribus, quam recentioribus Philosophis multum molestæ creantem, afferre; An scilicet Forma Elementorum substantiales in mixto maneant Integram & perfectam, an vero præsumuntur interire & corrumpantur?

XXI.

Quoniam autem circa hanc questionem multas & varias Philosophorum invenimus sententias; idèò ut eandem melius determinemus, quatuor celebriores aferemus.

XXII.

I. Sententia eorum est, qui statuunt; in Mixtione, misci-

16

miscibilium *tum* materiam, *tum* formas actu, hoc est, integras, & nulla ex parte laevas, manere: & eo modo Mixtum ex Elementis produci putarunt, quo è cimento & lapidibus Murus constituitur. Verum cum hic propria & naturalis non fiat Mixtio; sed potius quædam compositiō, hæc sententia optimo jure rejicitur.

XXIII.

II. Sententia est eorum, qui formas Elementorum nullo modo, neq; integras, neq; refractas, manere putariūt: sed in Mixto tantum qualitates contemporatas & remissas manere: Hanc autem sententiam, quoad posterius membrum libenter amplectimur; & prius membrum, tanquam à rectæ rationis dictamine, & ipsa veritate alienum, relinquimus: Nam ubi sunt qualitates, Proprietates, & Affectiones, ibi etiam sunt earum formæ: At in mixto, secundum eorum sententiam, sunt & manent qualitates: Ergo etiam formæ, cum hæ qualitates non sint abstractæ ab Elementorum substantiâ, sed cum illis conjunctæ.

XXIV.

III. Sententia eorum est, qui Elementa, tum ratione suæ substantiæ, tum ratione qualitatum, prorsus interire ac aboleri, & potestate tantum manere, statuerunt. Sed neq; hæc sententia probatur; Quia si intereunt, tum nihil aliud possunt constituere. Deinde si commiscerentur, non intereunt: at verum prius, E. & posteriorius.

XXV.

Harum autem superiorum sententiarum uberiorem refutationem ad ipsum actum Disputationis reservamus, ubi sine dubio occasio eas ventilandi sese offeret.

XXVI.

IV. Sententia eorum est, qui Elementa in Mixto secundum

dum substantias sive formas substantiales, & qualitates, refractas tamen, & ad mediocritatem redactas manere affirmarunt. Quam sententiam & nos, ut germanam & veritati maximè conformem, amplectimur; suffulti *tum* rationibus, in refutatione erroneous sententiarum allatis, *tum* & sequentibus, quas hic proferemus.

XXVII.

Id enim ita esse, in primis deprehendimus è motu Mixtorum. Mixta namq; corpora moventur motu Elementi in ipsis prædominantibus, ut loquitur Arist. l. 2. de cel. text. 7. e. g. lapis descendit ad motum terræ in ipso prædominantis: fumus moveretur sursum, ad motum ignis, quia plus ignei calor in sese continet: ergo etiam sequitur, quod Elementum Mixtis insit, alias hoc modo moveri non posset.

XXVIII.

Deinde quoq; auctoritas Arist. huic sententiæ adstipulatur, qui l. 1. de gen. t. 4. inquit, Videntur; que miscerentur, prius ex separatis convenientia, & possibilia rursus separari; q. d. ex separatis uniuntur simulq; coeunt, & rursus ex coeuntibus separata fieri possunt. Hoc autem evenire non potest, si elementa prorsus intereunt, & non in mixto secundum substantiam manent.

XXIX.

Advertendum autem est, dum dicimus, formas substantiales Elementorum manere in Mixto; non velimus, quod ibi sint quoad actum suum specificum & formale; sed secundum actum Entitativum: id est, Formæ Elementorum manent in Mixto quoad Entitatem, non vero quoad specificum exercitium.

XXX.

Diximus, formas Elementorum manere refractas;

B

ubi

ubi per refractionem, non intelligimus eam, quæ sit secundum gradus, & qualitatibus primis tantum Competit; sed eam, quæ est cum intermissione specisici exercitij, atq; sic dicuntur formæ Elementorum frangi, quatenus subsunt Dominio Mixti.

XXXI.

Nec etiam putandum est, plures in Mixto dari formas specificas, propterea quod omnes quatuor formæ Elementorum ibi manent: Cùm omnes quatuor formæ Elementorum nil aliud sint, quam ipsa forma mixta, & constituunt quintam quasi formam Mixti, quæ actu specifico unicat tantum est: Sin autem sigillatim has formas considerare voluerimus, plures ibi quidem sunt formæ, sed non specificæ, verum subordinatae: cùm vero Mixtum resolvitur, reddit quælibet forma ad proprium suum Elementum.

XXXII.

Quibus cognitis, ad Divisionem Mixtionis accessum faciamus; quæ Dividitur Mixtio in Imperfictam, & Perfectam.

XXXIII.

Imperficta Mixtio constituit corpus imperfectè Mixtum, quod generatur ex Inconstanti & infirmâ Elementorum concretione, quarè etiam durabile non est: quale corpus est Meteoron, cuius tractationem instituit Arist. lib. de Meteor.

XXXIV.

Perfecta autem Mixtio, corpus perfectè Mixtum constituit, quod ex firmâ atq; constanti Elementorum Unione concrescit; quamobrem etiam diutius durat.

XXXV.

XXXV.

Corpus hoc perfectè Mixtum, vel est Inanimatum, ut Metalla, lapides, & Gemmæ: vel est Animatum.

XXXVI.

Corpus Animatum, vel est Planta, ut arbor, lilyum &c. vel Animal.


XXXVII.

Animal est vel Irrationale, ut Bestia: vel Rationale, ut Homo.

XXXVIII.

Hæc de natura & constitutione Mixtionis in genere, pro ratione nostri instituti breviter dicta sufficiant.

Deo ter Opt. Max. sit laus, honor & Gloria
in sempiterna secula.



Doctiss. & Humaniss. Dn. Respondentis.
PETRUS PETRI BYRINGIUS:

Per Anag.

NUPER-BYSSI RITU PERGIT.

BYSSUS uti species est subtilissima lini,
Effulgens picturata sub tegmine vestis:
Sic NUPER-BYSSI RITU, Duce & Auspice CHRISTO
PERGIT Castalias ornare BYRINGIUS Artes.

In felix auspicium app. .

Laurentius Ludenius, Ph. & J.U.D.

Poët. Cor. Prof. P.

E Vri n̄ rapidos, vagosq; Cauri
Flatq; Hippotades potes vocaret;
Qui vastas strepitū suo, volutant
Vndas, Cœrulei maris frequentes,
Putrescunt; refluens Thetys liquores
Commuat placidos in insalubres.
Et mollis nisi vertitur supino
Tellus, vomere, carduus nocivus
Surgit; tum lolium rubusq; crescit;
Dulces nec segetes refert colono.
Ferrum usū potiore si carebit
Admotæ rigidæ, manus, Perylli,
Proh rubigine rumpitur nocivâ.
Et sic Ingenium suum si homo non
Exercet studiis bonis frequenter,
Præclarum cito redditur supinum.

Conatus igitur tuos perennes,
Laudo, PETRE, fidelis ô sodalis
Pulchrum Pieridum decus Sororum
Quod rubigine non finis perosâ,
Aliidi Ingenium tuum; sed acris,
Urges mentis opus; & hinc Camænæ
Dulces te, Charites forent amantq;
Nec te Mureta lædit, ille iniquus
Nec Bacchus, nec iniquior Cupido;
Sed te Delius augur ille ducit,
Pulebrū nomē ad astra fert suprema
Et te, dum patrios amas Penates
Vidisse; ô Deus almus ut secundo
Ducat flumine, tum reducat, oro.

Ita Contubernali suo Cha-
rissimo L. m̄q; gratulari
voluit

JOHANNES PETRI Kuuth/ Suderm.